

REGIONALNI STAMBENI PROGRAM - RSP

Broj: 04-36-1-134-9088 /13

Datum:

22-02-2021

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9571-2/13 od 28.12.2020. godine, Federalni ministar raseljenih osoba i izbjeglica **d o n o s i**

O D L U K U

**O IZBORU NAJPOVOLJNIJEG PONUĐAČA -
Izvođenje građevinskih radova na rekonstrukciji/izgradnji 10 stambenih jedinica
u općinama: Kreševo (5 st. jedinica), Ilijaš (4 st. jedinica) i Kakanj (1 st. jedinica),
u okviru Regionalnog stambenog programa - RSP,
BiH4 Pod-projekta, 13/20-RSP-BIH4**

I

U cilju odabira najpovoljnijeg ponuđača, nakon provedenog otvorenog postupka javne nabavke radovi - Izvođenje građevinskih radova na rekonstrukciji/izgradnji 10 stambenih jedinica u općinama: Kreševo (5 st. jedinica), Ilijaš (4 st. jedinica) i Kakanj (1 st. jedinica), u okviru Regionalnog stambenog programa - RSP, BiH4 Pod-projekta, 13/20-RSP-BIH4, kao najbolje ocijenjena prihvatljiva ponuda je ponuda ponuđača KONZORCIJ : “MILIČEVIĆ-GRADNJA” D.O.O. KREŠEVO i O.D. “SAN-BAX”, **sa ukupnom cijenom ponude sa uračunatim popustom bez PDV - a u iznosu od 299.964,79 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9571/13 od 22.12.2020. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 342.270,00 KM, bez PDV-a i predviđena je Planom javnih nabavki za 2020. godinu u okviru Regionalnog stambenog programa, pod rednim brojem 13/20-RSP-BIH4. Obavijest o nabavci, broj: 668-1-3-118-3-143/20 poslana je na objavu 22.12.2020. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 84/20.

Sedam ponuđača je dostavilo ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači : “TEHNO-PROMET” D.O.O. ZENICA, “KRISTAL” D.O.O. ŽIVINICE, “DŽEKOS” D.O.O. SARAJEVO, “ALMY-GRADNJA” D.O.O. ZENICA, KONZORCIJ : “MILIČEVIĆ-GRADNJA” D.O.O. KREŠEVO i O.D. “SAN-BAX”, “UNIVERZAL” D.O.O. GORNJI VAKUF i “DINALSA” D.O.O. SARJEVO.

Komisija za javne nabavke, imenovana Rješenjem, broj: 04-36-1-134-9571-2/13 od 28.12.2020. godine, izvršila je pregled i evaluaciju prispjelih ponuda i konstatovala da od ukupno 7 (sedam)

dostavljenih ponuda, 4 (četiri) su prihvatljive za ugovorni organ, a 3 (tri) ponude se odbacuju kao neprihvatljive.

Ponuda dostavljena od strane ponuđača "KRISTAL" D.O.O. ŽIVINICE se odbacuje kao neprihvatljiva jer ne ispunjava uslove tražene tenderskom dokumentacijom u tački 7.3.1. je traženo: Potvrda poslovne banke o solventnosti ponuđača, odnosno da u zadnjih 12 (dvanaest) mjeseci, računajući period do datuma objavljivanja Obavještenja o nabavci dostavljanja ponude, transakcioni račun nije bio blokiran; (traženi period je od 22.12.2019.godine do 22.12.2020.godine). U dostavljenoj potvrdi izdatoj od strane Sberbank, navedeno je da je račun ponuđača bio blokiran u periodu od 07.12.2020. – 14.12.2020. godine. Ponuda dostavljena od strane ponuđača "ALMY-GRADNJA" D.O.O. ZENICA se odbacuje kao neprihvatljiva jer ne ispunjava uslove tražene tenderskom dokumentacijom u tački 7.4.2. je traženo: Potvrda o uredno izvršenim ugovorima (u skladu sa zahtjevima člana 48. Stav 3) ZJN mora sadržavati sljedeće podatke: a. Naziv i sjedište ugovornih strana ili privrednih subjekata; b. Predmet ugovora; c. Vrijednost ugovora; d. Vrijeme i mjesto izvršenja ugovora; e. Navode o uredno izvršenim ugovorima. U dostavljenoj potvrdi izdatoj od strane MUP-Zeničko-dobojski kanton, nije naveden period izvršenja ugovora. U tenderskoj dokumentaciji u tački 7.4.1. je traženo: Da je u prethodne 3 godine, računajući period do datuma objavljivanja Obavještenja o nabavci, uspješno izvršio najmanje dva ugovora čiji su karakter i kompleksnost isti ili slični* onima koji se odnose na predmet javne nabavke*, ukupne minimalne (zbirne) vrijednosti dostavljenih ugovora (najmanje 2): 220.000,00 KM. U dostavljenoj potvrdi izdatoj od strane Društva za proizvodnju, promet i usluge „Bajra“ d.o.o. Travnik, period izvršenja ugovora ne potpada pod traženi period. Radovi su izvršeni 11.07.2017. godine. Obavještenje o nabavci je objavljeno 22.12.2020. godine. U tenderskoj dokumentaciji u tački 7.6. je traženo: Svaki kandidat/ponuđač je dužan uz ponudu dostaviti, popunjenu, posebnu pismenu Izjavu u skladu sa članom 52. Zakona da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci (Prilog 8) ovjerenu od strane nadležnog organa. Dostavljena izjava nije ovjerena od strane nadležnog organa. Ponuda dostavljena od strane ponuđača "UNIVERZAL" D.O.O. GORNJI VAKUF se odbacuje kao neprihvatljiva jer ne ispunjava uslove tražene tenderskom dokumentacijom u tački 8.3. je navedeno: U slučaju razlika između originala i kopija ponude, vjerodostojan je original ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude. U dostavljenoj ponudi, u originalu, nedostaju određene stranice predmjera radova (Prilog 13), od str. 48-61.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9674/13 od 01.02.2021. godine zajedno sa Preporukom da se donese Odluka o izboru najpovoljnijeg ponuđača KONZORCIJ : "MILIČEVIĆ-GRADNJA" D.O.O. KREŠEVO i O.D. "SAN-BAX", sa registriranim sjedištem na adresi u ul. Resnik bb, Kreševo, ID broj: 4236705850001, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

MINISTAR

dr. sci. Edin Ramić

